



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

De quibusdam Episcopis incertæ sedis, ex grege Nigrorum Monachorum assumptis. cap. LVII.

**urn:nbn:de:hbz:466:1-38372**

*Præfulis & partes, sanctasq; exercuit artes:*

*Vnde Beatorum cæserunt regna polorum*

*Ebboni patri, dilecto credite fratri.*

*De his quinque agit Demochares de sacrif. Missæ, tomo 2. cap. 35.*

### Episcopatus de litera Z. Cap. LVI.

*Zamorenses in Hispania sub Compostellano Archiepiscopo.*



**S**ANCTVS Attilanus, Hispanus, monachus monasterij de Moreruela, sub Sancto Froillano Abbate, deinde Zamorensis Episcopus, præfuit sanctissimè annis aliquot; & miraculis clarus, Obijt anno Domini 825. tertio nonas Octobris: & anno 1092. ab Urbano Pa-

pa II. in Sanctorum numerum relatus est. *Ambrosius morales lib. 15. c. 44. & alij permulti.*

*De quibusdam Episcopis intertæ sedis, ex grege nigrorum Monachorum assumptis.*

### Cap. LVII.



**A**DELARIUS Monachus Anglus, & Episcopus consecratus ad fidem populis prædicandam, eadem martirii palma coronatus est, qua S. Bonifacius eius magister, anno 754. die 5. Iunii. *Trittemius lib. 4. c. 183. Crætopolius, & alij.*

Domnus Alteus monachus, & Abbas monasterii Sancti Mauricii Aganensis trigessimus in Ordine, a primo Abbate, & postea Episcopus, verum vbi locorum non explicatur, floruit tempore Caroli Magni Imperatoris. *Belforestius in cosm. in descriptione Valesiæ.*

Domnus Amatus, monachus monasterii Casinensis, & postea Episcopus, incertæ tamen sedis, & scriptor sui temporis non contemnendus. Vixit anno 1170. *Leo Ostiensis in chron. Cas. lib. 3. cap. 34.* Scripsit ad Gregorium VII. Papam.

*De*

De gestis Apostolorum Petri & Pauli versibus	lib. 4.
De laude eiusdem Pontificis	lib. 1.
De duodecim lapidibus	lib. 1.
De ciuitate Celesti Hierusalem	lib. 1.
Historiam Normannorum	lib. 8.

Domnus Atto, monachus (vt puto) Casinensis, & postmodum Episcopus, obiit die tertio idus Februarii. *Calendarium uetus Casinense MS.*

Domnus Edanus Hibernus monachus, & S. Malachie Episcopi discipulus, ab ipso Malachia Romam proficiscente Episcopus ordinatus, munus iniunctum diligenter impleuit. *S. Bernardus Abbas in uita S. Malachie.*

Sanctus Eobanus monachus Anglus, & S. Bonifacii Archiepiscopi, & in messe Dominica coadiutor, & Chorepiscopus, cum eodem martyrium subiit anno 754. die 5. Iunii. *Tritemius lib. 3. cap. 176. & alij.*

Sanctus Etto, monachus in Anglia, & Episcopus Regionalis ad fidei dilatarionem, miraculis clarus, quieuit in pace anno Domini circiter 660. uel paulò post, die 10. Iunii, quiescit Lætiis in Belgio. *Molanus in indiculo.*

Sancti Euualdus Albus, & Euualdus Niger, monachi in Anglia, & ad conuersionem gentium Episcopi ordinati, à Paganis tenti martyrium pertulerunt die tertio Octobris. *Cratopolus de Episcopis Germ.*

Sanctus Foillanus Philtani, Hiberniæ Regis filius, monachus in Anglia, deinde ad prædicandum Euangelium Episcopus constitutus à S. Martino Papa, cum tribus sociis martyrii palmam percipit anno 660. die ult. Octobris. *Molanus in indiculo, & alij.*

S. Gero, Germanus, & monachus (vt arbitror) S. Pantaleonis Coloniae, & deinde Episcopus incertæ sedis, circa annum Domini 980. *Ex hist. Inuentionis S. Maurini. c. 7.*

D. Girbertus, monachus S. Benedicti de Mantua, congregationis Cluniacensis, & deinde Episcopus. *Tabulæ eiusdem cenobij.*

Sanctus Gisalaricus, discipulus S. Ruperti Episcopi Saltzburgenfis, & monachus S. Petri de Saltzburgo, & Episcopus ad gentium conuersionem ordinatus circa annum 636. Viennam, & Auftriam ad Christi fidem fertur reduxisse. Hic sedem Fauianensem iam a multo tempore pastore carentem in integrum restituit, vtrum tamen eius fuerit sedis Episcopus ignoro. *Belforestius in descriptione Viennæ.*

Domnus

Domnus Gisleerius, monachus (vt colligere licet) Casinensis, & deinde Episcopus, obiit die 15. Cal. Martij. *Calendarium Caf. MS.*

Domnus Goffredus monachus, vt arbitror, Casinensis, & exinde Episcopus, obiit nonis Februarij. *Calend. vetus Caf. MS.*

Sanctus Humberus monachus Laudunensis, deinde fundator cę nobij de Maricolis in Belgio, & ad fidem gentibus nuntiandam Episcopus titularis factus, anno Domini circiter 670. sanctitate & miraculis clarus, obiit die 25. Martij. *Molanus in indiculo.*

Sanctus Isidorus monachus, in quantũ licet colligere, Sancti Andree Romę, & S. Gregorii discipulus, deinde Episcopus in Sicilia; Vixit anno 606. & quod excurrit. Obiit die 15. Januarii. *Felici in Calendario.*

Domnus Laurentius, monachus Casinensis, uir doctus, & religiosus, ac postmodum Episcopus, multa scripsit. *Petrus diaconus uir. ill. Caf. cap. 6.*

S. Leuinus, monachus Ripensis in Anglia, ad gentium conuersionem Episcopus constitutus, Apostolus Transilanelorum factus est. *Teatrum Conuers. gentium.*


D. Marianus Mannus, Siculus, monachus S. Martini iuxta Panormum, & Episcopus Nullatenensis, obiit 1576.

Sanctus Pirminius Abbas Diuitis Augiæ, & Chorepiscopus consecratus ut infideles ad Christi ouile perduceret, aliquot annis munere suo egregie functus, nigravit in cœlum die 3. Nonembris. *Cratepolius de Episcopis Germaniæ, & alij.*

D. Ribaldus, monachus S. Benedicti de Mantua, & Episcopus postmodum. *Tabula illius Cœnobij.*

D. Stephanus, monachus S. Benedicti de Mantua, deinde Episcopus. *Tabula Benedictine.*

*De nonnullis Episcopis, qui Episcopatu abdicato, Ordinem Monasticum ingressi sunt. Cap. LV III.*

S.  NSELMVS Mantuanus, Lucensis Episcopus, & deinde amore diuinę contemplationis, Papa, & amicis ignorantibus, monachus cœnobij S. Benedicti in agro Mantuano factus, non longe post a Gregorio Papa VII. qui eius opera maximè utebatur, coactus, ad sedē quidem suam